

明季北略

明季北略卷之二十二

錫山計六奇用賓編輯

誅戮諸臣

朱繩臣

朱繩臣字心翼。懷遠人。世爵成國公。賊至獻門時守齊化門也。廿一日與陳演勸進不得入。世臣中之最逆者。吳鎮兵臨賊欲迎敵。恐其有變。誅之。初上未崩時。諭閣杜託純臣輔太子。閣中未及宣。自成因此有疑純臣。立命誅之。籍其家。

徐允禎

徐允禎字中元。世爵定國公。與成國同誅。昔建文之難。其祖以獻門獲爵。今始食其報云。他元勲戚。晚卒有全者。不能盡錄。

陳演

陳演四川成都井研人。天啟壬戌進士。官大學士。既罷官。以多藏不能出都。先是演責治一僕。僕恨之。遂出首于賊。言王家甚富。卽如某處有銀四萬八千兩。珠亦盈斗。賊兵如言往。掘果如數。因是垂涎不已。受

最慘僞相牛金星以二鐵索貫其左右手所至牽
以自隨步稍遲皮鞭亂下身無完膚竟誅死元是
二月演乞休上許之賜金幣始上憂秦寇演謂無足
慮至是不自安求去然挾重貲知都外寇盜充斥遲
遲久之遂及于難或云獻銀三萬兩金三千兩珠三
斗

余昔見樵史云賊入京演語所知曰吾昨夢于山
上騎龍而飛返顧無尾客以語言賀之演頗喜有
妄志末幾遂羅禍

魏藻德

魏藻德順天涿州籍。應天上元人崇禎庚辰狀元。官大學士。賊點名曰藻德。首向自成叩頭求用。自成旁揖之。藻德請試題。自成有所命。藻德聽之不置。而又不。敢再請。皇遽而起。一日殿上唱名。急呼魏藻德來。見欲爲周延儒等報仇。三呼藻德不應。卽命使繫之。頃繩繫至命。送僞刑官拷打。劉宗敏責以首輔致亂。魏藻德曰。臣本書生。不諳政事。又兼先帝無道。遂至于此。宗敏怒曰。汝以書生擢狀元。不三年爲宰相。崇

顧有何負汝。詆爲無道。呼左右批其頰。夾二夾。追出銀一萬七千兩。其妻彬一次。子亦二夾。國變錄云。吳演等同誅。或云自勒死。又云飲水一大碗死。甲乙史云。四月初二。魏藻德被夾五日不釋而死。後逮其子。云無錯置。卽斬之。

予觀藻德之對宗敏。宗敏之責藻德。與晉之王衍石勒酷肖。小人賊渠。千古一轍。

大事記云。藻德首向自成叩頭。言罪臣某。叅謂臣三載新進書生。叨任宰輔。大明主不聽臣言。以有

今日自成勞損之夫。藥德庚辰狀元。癸未五月入相。榮貴極矣。無道之言。雖喪心病狂。忍不忍出之口也。

邱瑜

邱瑜號鞠懷。宜城人。天啟乙丑進士。歷官至禮部左侍郎。爲東閣大學士。甲申三月。賊逼京師。十八夜集議朝房。漏四下。同寓呼其子之敦曰。事急矣。汝自爲計。吾將從事于奉先殿。敦請故。公曰。今日召對。帝言大家在奉先。是完事。因覓黃絹一方。袖之。黎明入朝。

見宮人狂出詢駕不知所在而賊馬已過城矣公走
鐵匠衛衛遇友人胡季宣延之入欲自縊不得隙日
午之敦至公曰吾死矣我不過做幾篇文章得高第
食厚祿世亂既不能匡君危又不能救是天地間罪
人死後當露置平子門外以爲人臣尸位素餐者戒
不必歸葬也敦悲泣公曰勿泣人生百年亦死若得
其正死猶生也語云寒疾不汗五日而死設去年染
疫不死乎汝當讀書讀書以明道要識綱常兩字如
汝弟從賊偷生非吾子也蓋公次子之陶于壬午爲

曹賊羅汝才所獲羈之營中。後又歸闕。尋以自成出
與孫傳庭迎敵。之陶竊其令箭以逃。竟穿營走出。將
渡黃河。盤獲見闖。陶罵不絕聲。賊怒。剮之時。賊屯河
南嵩縣事。公尙不知。故責其偷生云。尋命敦別去。欲
俟靜夜投繯。抵暮長班引賊入胡室。執公行道。遇敦
公袖出絕命詞一紙。授之前。有詩云。百歲春光強半
過。勛時力短愧鳴珂。詩書萬卷多無用。惟有先賢正
氣歌。後云天崩地圻。我輩讀書明道。豈能苟且求活。
一月綸扉廿年玉署。雖事柄不由已操。而大義安可

不立卑命投繯暢然無憾吾兒勉旃忠孝勿爲過
長途孤櫟勢難自達到處青山可埋吾骨何必故鄉
等語是夜賊擁至窩鋪用兩賊幫宿公欲求死不得
尋執見劉宗敏偏勒助餉百方毒辱賊押歸寓乘間
服冰片而死子之教純孝有聞今流寓湖州

忠逆史云邱瑜湖廣襄陽府宜城縣人公道單注
夾死北遊紀略注自遊商各單又言與陳演等同
日被害故注誅戮大臣內而編年則云自縊死
賊既竊踞一時諸臣盡節稍不決烈卽被其拘執

于朝栢刑撈掠殆罄。獻金雖多。終不同。俱不免有
獻獻。不滿意。仍復受刑。受刑不過。遂求自盡。至此
亦已晚矣。與其辱身而死。何如身死而不辱。且兼
得令名也。然而議之甚易。爲之實難。人臣到此。不
論後先。總之一死。則不失爲君子。

論曰。世之嘗邱公者。以其遲死被刑耳。惟是遺筆
在未執之前。被執卽城破之日。事與願違。尤當
諒若邱公者。余謂縱不得與吳橋比烈。較之井研
通州輩。似難同日而語。而世願苛求之。何與。

懶道人善觀氣色

崇禎末京師有懶道人。每在東直門關王廟行止。無定。不言姓氏。善觀氣色。吉凶立驗。錦衣衛指揮張司方。甚敬信之。二月中。延飲。與之奕。因談禍福。時京師宴然。忽勸同方挈家南行。同方曰。再二年卽理刑矣。奈何去之。道人曰。理刑未必受刑。是實。同方猶豫不決。又一月。道人來。辭。同方曰。老師云。小子吉凶若何。道人指飛鴉示曰。汝觀此鴉。墮下立死。同方曰。此不祥兆也。我得免否。道人曰。四方人面。俱是羅網。貧道

前言不信。今救不得。遂往東直門外。飄然而去。同方止。憂在朝。犯事。遂于衛堂告病。乞假。及城陷。同方與武職二百餘人。悉斬于中吉門外。道人之言始驗。其時又有知一禪師。別載于吳易事內。茲不錄。

附記

蔡生福建人。善天文。崇禎初年。在京師。語無錫進士唐孟津。曰。甲申年有變。時不信。至是驗。刑辱諸臣。官銜列下。別于死難諸臣也。若死難者。先書官爵。而後書名。

再興議

冉興讓字心淳直隸虹縣人駙馬官少師夾死

劉岱

劉岱字林岡河南陝州人官少傅左都督夾死

冉孔悅

冉孔悅字師聖北直蠡縣人官都督夾死

駱養性

駱養性字太和係湖廣永州籍順天大興人世襲都
指揮使養性官金吾坐贓數萬弟養心養志皆受酷
刑。

張國紀

張國紀字憲章河南祥符人天啟皇后父也官上柱國少傅雲鶴服色太康伯父子俱夾死籍沒

周鑑

周鑑字明原官都督加太子太師國丈嘉定伯奎之子素有弱疾以夾死弟鉉字文器指揮僉事都督同知一夾僅存又奎侄銘字新盤指揮僉事都督同知削髮遁被獲亦受夾奎甥嗣于奎名鐸一夾獻銀六百兩俱不死時奎房產積蓄盡爲賊有空手出門尙

疑諸子私殖不免蔽朴如此勲戚無不受刑特誌周
氏一門以例其餘

方岳貢

方岳貢字禹畛。湖廣穀城人。崇禎辛未進士官大學
士。先在松江爲知府。有能聲。以贓罪徵。逋延至十三
年庚辰無緋可鐫。閏正月徵下獄。素走聲氣。故朝中
爭訟其情。擢爲山東漕運副使。十六年九月驟陞左
副都御史。岳貢上言四事。清言路以收人心。定推遷
以養廉耻。責吏治于荒殘。備將才于部伍。上是之。旋

棄衛軸功名損于 郡京抄云夾獻銀四千兩布四
百疋尙拷不止。乃獻下江南策方公頗自好必不至
此疑出仇口雲間何剛等辨揚謂公屢自縊不死賊
騎擁去逼降公不屈。誓不已遂極拷掠凡二日夜搜
寓所僅得布袍五襲犀帶一圍欽賜元寶一錠賊大
詫曰閣老何一貧至此。于是獨不釋公繼而李賊問
夾者何人賊黨指公名李曰方某清官安得有金銀
始得釋公見東宮慟哭東宮曰先生救我公曰臣當
忍死以護殿下賊怒于是格不得通及四月十三日

賊忽擁太子出都十七。噓傳太子墜馬死。公撫膺大
叫。遂与水不進。二十六日。整衣冠絕吭而死。又似有
意爲方公周旋。蜀人吳邦榮國變錄註夾二夾完。賊
三千兩不死。留用他單。又有註同陳演戮死者均不
可信。意受刑之後。恥爲賊用而自引決耳。

李遇知

李遇知陝西籍四川人。萬歷三十八年庚戌進士官
吏部尚書。大事紀云。遇知夾二夾。杪一杪。退出銀
四萬六千兩夾死。

雷躍龍

雷躍龍。雲南籍。應天上元人。萬歷廿三年乙未進士。官吏部侍郎。夾二夾。

沈惟炳

沈惟炳。湖廣德安府孝感縣人。萬歷四十四年丙辰進士。官吏部左侍郎。夾二夾。

張維機

張維機。福建晉江人。天啟乙丑進士。官吏部侍郎。夾二夾。頭種一箱。仍夾其僕。一夾。奪賊刀自刎死。見國

樓每

諸勢力自刳可謂烈矣惜乎其晚也

金之俊

金之俊字豈凡浙江嘉興人萬曆乙未進士官兵部
添註禮部侍郎出撫昌黎被獲來二夾不死後爲大
清朝宰相此公頗有經濟之志甚爲惜之甲乙史云
三月廿七金之俊輸餉百兩備見於之平室相與朋
飲

陳必謙

陳必誠南直常熟人萬曆四十二年癸丑進士官工部侍郎。癸丑一次傷被幽同幽者展轉歎息。公林一石塊。斯寢如常時。今逃歸。公居鄉素有清正之譽。鄉人聞變時皆策公必死。北來初單亦注死難。後乃大失人望。歸後遇土賊傷其掌指。狼狽而免。歸數日病死。惜哉。

王正志

王正志北直河間府靜海縣人。崇禎戊辰進士官戶部右侍郎。督運西路國變錄云。夾其子亦一夾。

一移或開入從道

張忻

張忻。山東萊州府掖縣人。天啟乙丑進士。官刑部尚書。

方拱乾

方拱乾。南直桐城人。天啟戊辰進士。官右諭德。

兼侍讀。聞城破。尙臥床上。引刀割鬚。未及半。爲家人抱持旋止。竟爲賊執。方以美婢四名賂賊將羅姓者。得免。夾隨爲何瑞徵楊廷鑑力薦。可爲。瑞徵

乃其同年廷鑑其門生也。方家後得廷鑑寓中。四月初三夜，僞尙書張璠然略至方所，深談良久云：「不日大用。」老先生無過慮。此係方一小童，逃回南都，所言小童甚佞，羅將復欲得之。方已許婚此童，畏賊逃回，回時方尙未嘗授官，但青衣小帽，額貼黃紙，順字耳。

胡世安

胡世安，四川成都華陽人。嘉靖戊辰，進士。官少詹事，讀史一頁。

衛允文

衛允文字紫菴。陝西西安韓城人。崇禎辛未進士。官諭德。以削髮被謫。夾二夾。

楊昌祚

楊昌祚。南直寧國宣城人。崇禎甲戌進士。官翰林院左中允。以削髮夾二夾。

林增志

林增志字任先。浙江温州瑞安人。崇禎戊辰進士。官翰林院編修。以削髮夾四夾甚慘。

宋之綱

宋之綱南直應天溧陽人。崇禎癸未探花官翰林院編修。削髮被獲。以楊廷鑑周鍾力薦。于王旗鼓免死囚之。

李士淳

李士淳廣東潮州程鄉人。崇禎戊辰舉士官翰林院編修。夾四夾甚慘。

方以智

方以智南直桐城人。崇禎庚辰舉士官翰林院簡討。

充定王講官。聞變走出。遇蘇人陳伯明。倉卒通名。相與歎泣。潛走稌米倉。後夾街見草房。側有大井。意欲下投。遠擔水者數人至。不果。陳留至寓所。一宿。次早。家人同四卒物色及之。則家人俱禍已。代爲報名矣。四卒挾往見。僞刑官逼認。獻銀若干。後乘間逃歸。公字密之。大清朝至。祝髮不仕。康熙五六年間。居江西廬山。開先寺。一時官民敬禮之。稱大和尚。氣象雍和。不似昔年講官時態。庸也。

萬發祥

萬發祥江西臨江新喻人崇禎癸未庚寅士國變餘
云庶常俱留用無夾者萬以塗面粧墓遂不免

朱徽

朱徽江西南昌進賢人崇禎辛未進士官刑科給事
中或開從逆

彭瑄

彭瑄湖廣永州人崇禎甲戌進士官工科給事中或
開從逆

馬登垣

鴻登垣江西瑞州新昌人。崇禎庚辰進士。官浙江道御史。

吳邦臣

吳邦臣。浙江紹興山陰人。崇禎庚辰進士。官山西道御史。

鄭楚勳

鄭楚勳。福建興化莆田人。天啟甲子舉人。官雲南道御史。

曹溶

曹溶字秋岳浙江嘉興人崇禎丁丑進士官御史字聞公留心著述欲附之

吳萼昌

吳萼昌河南籍江西南昌人崇禎庚辰進士官吏部主事以削髮夾二夾

楊元錫

楊元錫字康侯福建泉州晉江人崇禎甲戌進士官吏部主事十三歲登科十四歲登甲榮踐天部人其美爲仙佛再世乃亦包羞忍辱至此惜哉或注從逆

張鳴駿

張鳴駿字質陽福建漳州龍溪人。崇禎庚辰進士官戶部主事。

陸禹思

陸禹思南直溧陽人。崇禎庚辰特用官戶部郎中。或開從逆。

彭敦歷

彭敦歷南直丹陽人。崇禎庚辰特用官戶部主事。或開從逆。

朱芾煌

朱芾煌湖廣王開人崇禎甲戌進士官兵部郎中

劉若宜

劉若宜南直懷寧人崇禎丁丑進士官兵部主事非也懷寧屬鳳陽府

陳鵬舉

陳鵬舉湖廣黃州麻城人天啟辛卯舉大官刑部員外不投謁被執見僞刑官叱使跪不屈椎擊亂下幾斃家人願以身代死賊義而釋之

王忠僕義刑辱中不多見者宜表而著之不得概與衆伍而設其品也。

李逢申

李逢申南直青浦人萬厯己未進士官工部郎中夾三次或云死嵩人以逢申與朱積作對云朱帝蒙塵爲邪臣早服李兇張醜皆因甲歲逢申早服乃朱積字也。

聶一心

聶一心四川敘州富潤人崇禎庚午舉人官工部郎

中

潘國春

潘國春浙江紹興餘姚人崇禎丁丑進士官工部員外郎或開從逆

趙士錦有檄

趙士錦南直常熟人崇禎丁丑進士官工部主事

鄒逢吉

鄒逢吉江西湖口人崇禎丁丑進士官工部主事

死

申濟芳

申濟芳。南直長洲人。官生。官兵部主事。不投謁。爲長
班所首被執。賊謂相國之後。必多蓄。而濟芳實貧。夾
損一足。與陳必謙同幽一兵房中。是夜死者數人。申
亦與焉。守兵以告。有令各發。會同館。兵于死者。每加
五棍。而後發。申移至館。館主人見其喉間翕然微動。
灌之有氣。遣家人來其省視。乃復活。問其受棍時。全
然不覺。惟第五棍稍似有物及身耳。甲乙史云。四
月初九。東報已急。賊人隱之在繫者。盡釋。惟留申濟

芳數人。各子繩自縊死。後各人加五級。清芳昇歸入
殮復蘇。

孫從度

孫從度。北直保定清苑人。崇禎戊辰進士官太僕卿。
國變錄云。夾四夾追銀四百兩死于家。

甲乙史云。祭酒孫從度居金臺會館。病卧有羅將
軍來居孫遣僕持名刺致意。羅大怒。即騎人肉駝
疾。孫妻素悍。迎而罵之。羅命以鐵索繫其頸。并昇
孫過己。當拷訊。孫立斃。妻七拶百敲。十指俱斷。乃

招承史藻寄簪多金得七千兩獻于自成由是翰林皆坐餉萬金此三月廿三事。官銜及事與前稍異姑存之以俟攷。

劉明侯

劉明侯山東東昌恩縣人崇禎丁丑進士官中書科掌科事以削髮夾二夾。

陳翔

陳翔福建福州閩縣人崇禎癸未進士官中書科以削髮夾二夾。

郝傑

郝傑順天籍陝西延安綏德州人崇禎丁丑進士官行人以削髮被夾

謝于宣

謝于宣浙江寧波鄞縣人崇禎癸未進士官行人以削髮觸怒夾三夾幾死

劉中藻

劉中藻福建福州府福安縣人崇禎庚辰進士官行人素有文名以抗言願歸籍觸賊怒被夾

後中藻仕于永歷已丑 大清兵至福寧中藻勢窮自縊亦殉難之臣也

龔懋熙

龔懋熙四川重慶江津人。崇禎庚辰進士。官太常寺博士。

沈浣先

沈浣先南直崑山人。舉人。官武學教授。夾損一足。追銀五百兩。廣貸始足。

國變錄尚有鄭逢蘭范方俱注夾。一日夜也。蔡國

光曹惟才俱注夾一夾何肇元注夾一夾逃復被
執李起龍注削髮夾他單所無附以俟考又有楊
苦橋汪光緒拘繫未夾又云廿一日點百官名罪
不及冷員廿三至廿五遍拏各官拘繫亦不及冷
員一人惟呂兆龍廿三以投水廿七陳翔劉明僕
郭傑李起龍謝于宣以削髮劉中藻以抗言觸怒
并拘繫夾之其他冷員被收者皆由賊兵橫執不
在點單之數

劉有潤

于己書入前卷殉難內此不錄

幽囚士大夫用夾棍逼取金錢此古今未經見之事亦古今所未有之慘然賊非有親近于用之臣而有仇怨于不用之臣也在點名時士大夫之自欲用與不自欲用耳而夾亦有二在要津流華者則夾其銀而在冷員閑散有觸其怒而夾之者有已受夾完銀仍求用者有已削髮而賊必不用之者有寧忍受夾而不肯到吏部報名者人品攸分爲並存之

幸免諸臣

周奎

周奎字雲路順天籍南直人以國丈封嘉定伯性甚
吝。內監奉旨勸助止輸萬二千金賊信急各府俱遷
其貲。惟奎晏然不動。城既破有兵數人到府奎厚犒
之。卽去已而有賊將張姓者至踞其室奎夫人卜氏
姑媳皆自縊。卜卽先死。所自出也。諸子皆縛去。兵士
辱奎特甚。復有權將軍李至張避去。李見奎謙讓之
極。頗憐之。乃以小屋數間撥與幸免于刑死。子鈔夾

未死幼子鑽鍾孫澄清澤俱存外傳奎獻太子以求
免都中絕無此語出自彼親戚之口大都以吝招謗
耳一云李牟數奎平日鄙吝督令負薪擔水以辱之
殉難實錄云周奎正在求死就縊之際被賊擒去送
偽刑官三夾不死坐贓七十萬府第藏庫什物田產
俱沒入將軍李牟據其宅幽諸室伯

已說不同並存俟核

奎象恒

奎象恒南直華亭人官居已未進士官巡撫從獄中

擬充餉贖罪釋出還

周亮工

周亮工河南祥符籍。江西撫州金谿人。崇禎庚辰進士。官御史。以知縣行取。御史命已下。見勢迫。不任而遁。

鄭二陽

鄭二陽號潛。河南開封鄆陵人。萬曆己未進士。授撫安亭池太等處僉都御史。從獄中釋遁。

曾樓

曾樓號二雲江西峽江人萬歷丙辰進士官憲撫從獄中釋通。

施元徵

施元徵南直無錫人萬歷己未進士官副使從獄中出有賊將魏姓者是其年家與一令箭父子南歸途中因而獲財有令箭故求其帶南耳

曹鼎臣

潛藏不出

張伯鯨

張伯醇字糧海南直奉州人萬歷丙辰進士官兵部
左侍郎道最早。

王都

王都浙江嘉興崇德人天啟乙丑進士官太常寺少
卿。

汪惟效

汪惟效南直徽州祁門人崇禎辛未進士官工部
給事中。

楊爾銘

楊爾銘四川叙州府筠連縣人。崇禎甲戌進士官詹
東道御史。

周仲璉

周仲璉浙江湖州長興人。崇禎甲戌進士官禮部郎
中。削髮爲丐僧而遁。進士程源曾遇于途。相向慟哭。

蔣臣

蔣臣南直安慶桐城人。薦舉官工部主事。削髮遁。

程子奇

程子奇江西饒州浮梁人。天啟丁卯舉人。官國子監

學正

錢國瑞

錢國瑞 原缺

知縣行取在京

程兆科

程兆科仁西廣信府人崇禎癸未進士新選行人

設貞良

設貞良浙江嘉興人崇禎癸未以五經中式

魯五典

魯五典南直太倉人崇禎癸未進士

官偉鏐

官偉鏐。南直泰州人。崇禎癸未進士。

史夏隆

史夏隆。南直宜興人。崇禎癸未進士。

王崇簡

王崇簡。順天府人。崇禎癸未進士。

施處

施處。浙江湖州府歸安人。崇禎癸未進士。

林飭

林飭福建福州福清人崇禎癸未進士

嚴通

嚴通福建福州府人崇禎癸未進士

右進士俱候選

從逆諸臣

語云人臣無將將則必誅夫一念之違且有當
刑况公然拜舞賊庭汚其偽命者乎所以然者
以貪生怕死之心用觀風望氣之志方其苟且
圖活亦迫于勢之無奈迄乎周旋匪類反幾幸

賊之有成。肝腸旣已全易。要領尙保無恙乎。始
焉封疆失事。每每及于寬政。馴致諸臣習于苟
免。卽視顏從逆。可幸無誅。人心一變至此。當事
者不盡破私情。大伸國法。恐人偷從此遂晦也。
第流言互異。寧無虛實之差。喜事競傳。或出愛
憎之口。載名惟有信耳。定獄尙有精心。此則于
廷尉之事矣。

楊觀光

楊觀光山東登州招遠人。崇禎戊辰進士。官右庶子。

兼侍讀。僞禮政府右侍郎。與梁光陽葉初春俱迎闕。而授職。國難紀云。五月初十日。賊召觀光入文華殿。問郊天何以不茹葷酒。不近女色。不行刑。亦有說乎。楊叩頭云。天人一氣。所感不茹葷酒。欲其心志清明。不近女色。欲其呼吸靈爽。不行刑。欲養天地慈和之氣。以感格上穹。賊云有理。有理。先生說得是。以後先生嘗進來講講。留坐待茶。辭出打恭。自成送至簷下。亦荅躬。先于廿四日召一次。語不傳。此則四月初二也。甲乙史云。是日觀光持門生刺見劉宗敏。四轅開。

程儼然都堂四月十三觀光以家眷隨而出至望風
臺被殺。

楊汝成

楊汝成南直華亭人。天啟乙丑進士官禮部侍郎兼
侍讀。北來單先問以老釋歸。後開以刑死。國變錄云
夾一夾以古玉金壺等物。託周鐘送王旗鼓。仍授職
而本鄉有討逆單。叙甚詳。縱不無粧點。而從逆近真
矣。

公討檄注云。汝成祖宗世列簪纓。父子踵接翰林。

苑枝起。其族侄也。汝成初欲得館元以三千金。欠票送顧秉謙。恐不信。央陸伯符作保。背不全還。伊子顧台祇屢次索之。繼以金便壺挽崔呈秀。遂獲忠賢。遂得收爲義子。與試江右。價定四千。及丁丑科。汝成爲首房第三題。乃賢者在位三句。係汝成所擬。因汝成先將題招搖遍賣都中。共知追賊被京。汝成先以妾數人送劉宗敏。牛金星故得不殺。上表有云。陛下問罪燕都。威行夷夏。弔民江左。澤及昆蟲。伏念臣汝成。衰殘無力。願爲放牧之牛。摩

頂知恩甘效龍逢之馬。其門生 青縉已降賊呼
劉宗敏爲恩主。預求寬典。又力薦于牛金星。得列
春卿。見周鍾言一統已定。獻江南戶口數賊乃存
問其子。時青時亮時憲并奴宋慶等尤希心內應
云云。

項煜

項煜字仲昭。號水心。南直吳縣人。天啟乙丑進士官
少詹兼侍讀。僞太常寺丞。賊黨黎志陞。其甲戌所取
士也。國難錄云。時京師傳言黎爲賊腹心。薦煜大拜。

煨卽昌言于衆曰大丈夫名節既不全當立蓋世功名如魏徵管仲可也及授太常意氣沮喪奉僞命祀泰山驛馳過山東始變服遁逕走南都欲入班被逐煨素巧宦初在魏黨旋媚東林求脫遂復故家起華門驟致奇富所居爲假山徐氏名產捐萬二千金得之以詞林清修之席而一居之侈已如此其可下知種怨里閭化爲煨燼哀哉

何瑞徵

何瑞徵河南汝寧信陽人崇禎戊辰進士官少詹兼

侍讀賊者。選首名。授僞宏文館學士。教習庶吉士。與
韓四維。楊廷鑑。周鐘觀。學濂。領班勸進。朝賀最先後。
從賊西遁。

甲乙史云。四月初四。賊以何瑞徵。掌宏文館。瑞徵
歛庶常裴希度等銀。請牛金星至署。飲到任酒。

陳名夏

陳名夏。字伯史。南直溧陽人。崇禎癸未。會元。擢花官。
編修。兼戶兵兩科都給事中。一妾京師。人聞變。送妾
歸母家。因匿焉。後得賊山。自縊者。再斬為妾家。

救解。潛出謀遁。逢曉賊東將赴。傷都督劉。值不在。解
僞刑官王所。王遙見呼曰。公得非溧陽陳伯史先生
乎。陳曰然。王解所縛。揖之曰。先生識某否。曰不識也。
王乃山西諸生。數年前曾南游。無所遇。至溧陽。陳曾
留一飯。贈程五星。久已忘之矣。至是王述其事。留寓
中。飲食之。陳涕泣求去。王曰。先生大名在外。去將安
之。留此當有大用。陳必不可強留。三日。潛出。復爲賊
黨所物色。陳自言王君見釋。再押見王。王曰。吾固言
之矣。去必不免。因復留之。會兒女姻家宋之繩被夾。

滿貸。賊曰汝父方解餉至都。安得云貧。宋父劄爲監軍道。僉事宋急引親家陳以爲證。王并寬宋刑。于是陳通賊之名大著。又以王薦授編修。陳不肯就。日夜求歸。王乃贈其行貲。陰護出城。故陳歸最早。陳以一飯一程之故。以此免死。亦以此蒙惡。豈非天平。陳自有辨。揭井不敢明言其事。余得北來一友述之甚悉。然諸單開入從逆。未敢擅爲出脫也。姑附所聞以俟公論。大清初陳爲宰相。後以事死。

韓四維

韓四維順天昌平州籍河南嵩縣人崇禎辛未進士
官諭德願輸銀二萬求爲國子監司業不得止投偽
去文院修撰按司業有何大佳處而費多金不過借
題媚賊耳賊亦鄙之降爲修撰不亦耻乎此詞林中
最無行者。

庚辰十月觀音山僧語予云 大清朝時四維寓
蘇之觀音山。恣甚。山中各靜室僧莫不詐害俄而
座主某因有大事請其家。欲避之。且乞銀少許。韓
僕辭云在觀音山。及往山訪之。又辭在家。座主大

怒曰吾拚一身。拔他罷。因詞連四維。拘至南京下獄。獄卒以九鏈繫其頸。地俱青石。四維無銀使用。凍餒甚。一夕而死。

楊士聰

楊士聰。山東兗州府濟寧州人。崇禎辛未。進士。官諭德。僞戶政府少堂徐凝生。國難紀云。親見門粘欽授官銜。或開刑辱。

高爾儼

高爾儼。北直河間靜海人。崇禎庚辰。榜眼。官編修。僞

宏文館修撰

楊廷鑑

楊廷鑑字冰如。號靖山。南直武進人。崇禎癸未狀元。官修撰。剪髮欲遁。不得。降授偽宏文館修撰。暗記偽相牛薦楊與周鍾草詔。兩人互相爭草。幾至攘臂。以狀元而至此。載之青史。不亦羞乎。然則名者造物所忌也。惟有福者能享之。

張之奇

張之奇。江西建昌新城人。崇禎戊辰進士官。簡討偽

宏文館編修各單俱同惟國變錄注順慶府尹

劉世芳

劉世芳陝西延安膚施人崇禎庚辰進士官簡討偽
宏文館編修公道單府尹諫。

梁兆陽

梁兆陽廣東廣州府番禺人崇禎庚辰進士官簡討
偽兵政府侍郎二十首倡助餉之說與同志求仕者
各寫五千金託宋企郊先投手本廿三刻召見叩頭
云先帝無甚失德以剛愎自用故君臣血氣不通以

致萬民塗炭。災並至。至闢賊云。朕只爲這幾個百姓。
故起義兵。兆陽卽叩頭云。我皇上救民水火。自秦入。
晉。歷恒代。抵都兵不血刃。百姓皆簞食壺漿以迎王。
師。真神武不殺。直可比隆唐虞。若湯武不足道也。臣。
遭逢盛世。敢不精白一心。以荅知遇。殊恩闡賊大喜。
留坐待茶。意甚款曲。辭時朝士打躬。賊亦向下打躬。
兆陽平身。賊尙未起。乃復打躬出。諸門生貢士世位。
魁因傳于衆。復再召一次。語不傳。兆陽年皆芥。

趙玉森

趙玉森字君立號月潭南直無錫人崇禎癸酉舉人
專心遠策及庚辰登進士召對應荅詳明問及邊事
既對且泣先帝以爲能親拔翰林簡討時謂欽賜翰
林始出封簡衆頗榮之本鄉公揭云十九至馬君常
太史寓一看回至同鄉王孫憲寓所王云百行孝爲
先第家有太公在且全個孝罷遂相携詣賊報名途
語張琦秦沂與諸意令乃握手同往僞四川內江縣
令玉森與宋金如相傳收還山東近地許之

周鍾

周鍾字介生南直金壇人崇禎癸未庶吉士僞宏文館簡討賊中深慕其名呼爲周先生勸進表實出其手逢人便誇牛老師極爲熱賞不止李密謬斥僞朝而已同館多含涕忍耻幾幸生還惟鍾揚揚得意乘馬拜客屢顧梓官揮鞭不顧一時輩中猶腹訴之三十年雄踞文壇聯屬聲氣一旦名節掃地書林選刻刊落名字文章一道尙可信乎甲乙史云三月廿三庶吉士周鍾魏學濂有請葬先帝公疏投文諭院顧君恩君恩云諸君亦是好名之事俟牛相來自奏卽

其扁周鍾者故金壇名士。爲復社之長。牛金星見之。呼曰此周介生先生乎。命作士見危致命論。大稱賞之。鍾逢人自誇牛老師知遇。

沈國元大事紀云。勸進文有云。比堯舜而多武功。邁湯武而無慙德。甚至斥先帝爲獨夫。有臣子萬不忍言者。傳爲鍾筆。又有存杞存宋句。龔鼎孳向人曰。此語出吾手。周介生想不到此。

國元又云。人之志趣無不可以先見其微。復社初立時。常與連床宿話。喃喃不出口。有應無辨。相對。

殊不快絕。第其下筆風馳雨驟。天才實駿。則未優耳。交不甚雜。深自歛抑。幽貞一如處子。後爲吳昌時數輩牽引。日至險譎。漸于賄利。知不留意澹交。余遂各行其志焉。一人爲社中健足。傳檄逼人。親書向余索五十金爲贄。余謝之曰。余與介生舊好。恐不須此。奸人遂銜恨。百口進譏。及介生傳去。揚揚得意。無論識與不識。咸以得堊見周先生顏行爲幸。噫。余絕物以視今日。則何如。嗟乎。泗水聞戰涉筆。時題無君父之字。必謂忠孝之辭。三月

十九古今未有慘變奈何不以一死以殉皇于地
下乃醜顏偷息屈筆以結賊之愴未幾而南都正
位霜簡飛章讀之無處措面豈不痛哉

表云此堯舜多武功較湯武無慙德又有獨夫授
首等語一時傳爲士林之差

鍾年十三赴院試題大明堂者拔第一與蘇州楊
廷樞徐汧等立復社名馳海內崇禎己卯登鄉薦
爲陳函輝所取士後楊徐陳先後殉難而鍾以逆
見誅將何以見良師友于九原也予昔年曾見其

臨大節。句文內有云。事後易爲謀。事前易爲功。所難者。獨在臨事時耳。餘悉忠貞佳句。且推到學識及無欲爲本。原文則佳矣。而臨事一何倒逆也。金壇賀生語予曰。鍾似楊雄。意謂勸進與美新等耳。予意鍾古博不及楊雄。而表文較美新更甚殆不如也。賀云。鍾祖祠顏曰一門七進士。一日有題其側曰。三代五好臣。衆其傳之。余謂文皇怒方正。學不肯草詔。而夷其十族。至是而鍾與楊廷鑑爭草詔。是成祖殺戮忠臣之報也。天心亦巧矣。微矣。於

鍾又何誅

朱積

朱積南直松江華亭人。崇禎末廢吉士。偽弘文館
簡討。此亦聲氣中人名士也。

史可程

史可程河南開封祥符人。崇禎癸未廢吉士。原官賊
逼寫家書于奇院。史公遇兵急不果。卽此書果達。閣
部史公必怒。渠之矣。

梁清標

梁清標北直真定府真定縣人崇禎癸未庚吉士原
官一云改外

成克鞏

成克鞏北直大名府大名縣人崇禎癸未庚吉士原
官一云改外

魯東

魯東浙江紹興山陰人崇禎癸未庚吉士原官

李化麟

李化麟陝西西安韓城人崇禎癸未庚吉士原官

張元淋

張元琳福建晉江人。崇禎癸未庶吉士。原官。一云防禦使。

劉餘謨

劉餘謨南直安慶懷遠人。崇禎癸未庶吉士。原職以貌不當賊意改外。

李長祥

李長祥四川夔州府達州人。崇禎癸未庶吉士。原官。一云改外。

趙頰

趙頰河間開封城人。崇禎癸未。應省士。改爲直指使。以牛全室鄉同年。故多所援引。

楊棲鶚

楊棲鶚陝西漢中西鄉人。崇禎癸未。庚吉士。僞直。使。

魏學濂

魏學濂字子一。浙江嘉興嘉善人。忠節公大中之仲子。率子學伊弟也。忠節公遭變。死。學伊以身殉。終。

順初元。公徙步大都伏門訟寃。又瀝血上疏。劾阮大
鍼傳檄交通逆。實殺諸賢。請論如法。天子改容。卹
贈有加。并。一。擿罪。公念受國厚恩。又天下多事。
思以功名顯。益究心天文地理。兵農禮樂刑律之要。
翼一旦得効。馳驪爲報。塞地。壬午舉于鄉。癸未成進
士。授庶吉士。時賊破秦晉京師。戒嚴。慄與同官吳爾
璠。樞曹成德等。日夜涕泣謀所以捍禦策。時上一
召對。公力請東官。或二王往鎮南服。又言。當糾合畿
輔義士爲勤王師。而編修陳名夏。曉暢兵事。且習于

山左右豪傑。宜假以事權。令出都號召。先帝寤之。會
朝議未定。而賊勢日迫。公乃遣間使走容城。與孝廉
孫奇逢等。約聯絡勇忠。赴難計已定。未報。而賊薄城
下。三日城陷。公出遇陳名夏。吳爾璽。方以智。金水
橋。且曰。我情圖一死。所以報先帝。公曰。死易。爾顧事
有可爲者。我不以有用之身。輕一擲也。因言東宮二
王故在。而真保定間義旅。且暮且至。獨不能少忍。想
東待之耶。旣而東宮二王爲賊所賺。得挾之出。或傳
遇害于永平。先所約奇逢等。故遲遲失其期。同事者

或拉之還南。公乃嗚咽起立曰。所以不死者。欲以有
爲也。今已矣。廉義不憚一死以報命。九原夫廉寧不
知靡衣。媮食之可以苟活乎。今其勢非不能南。顧先
帝業殉社稷。身爲侍從之臣。而不獲以身從在天之
靈。寧爾這也。卽不然。先父兄而有知。方談笑俟于地
下。陳所不能以素棺白旒。衽廁先塋之側者。又焉能
冲顏覲息。重執爵而酬家廟之前也。且賊旣肆爲謀
篡。則必將勒薦紳爲朝賀。而忍復北面乎。行矣。自愛。
爲謝故人。考汝有母。彥升有兒。固後死者責也。因爲

絕命詩曰。忠孝千古事。於我只家風。一死輕鴻毛。臨
難須從容。有血還微軀。官卑非侍中。有舌且存之。亦
遂常山公。因約同志友。延頸受霜鋒。不能張空拳。與
彼爭雌雄。不能奉龍種。再造成奇功。死且有餘罪。何
敢言丹忠。所痛母垂白。七十仍尸喪。未葬凡五喪。留
與子姪封。人生碁百年。壽夭死所同。我比兄與弟。我
年爲獨豐。高堂無復悲。譬不生阿儂。辭母却就父。生
死猶西東。骸骨既不歸。卽瘞此詩筒。墓木有拱時。清
韻入秋松。又曰。聞天子且出亡。繼云亡後放還鄉。

既望義旗起四方。三者于今皆已矣。當死不死真羞。
幾家閨門自焚死。幾人投繯從天子。王章不屈陳
戴樓。金鉉躍人御河水。街頭男女不讀書。西城井中
何累累。耳聞謾見羨殺人。羨人不已還自嗔。死忠死
孝家常事。我竟不死將誰臣。君亡國破雖易代。正統
日月虛懸在。待彼篡位我死之。我死固晚免下拜。但
恨有書報老親。云見不死休酸辛。見今羞慙活不得。
爲孀愛此全歸身。又貽書付子諄諄。以子孫非甲申
以後生者。雖令讀書。但期精通經義。不得仕宦爲官。

書畢自縊死。公爲人豁達多大畧。慷慨好義。性至孝。感忠節。公詔獄之慘。終身布素。習以爲常。母病幾殆。爲割臂肉和藥以進。乃瘳。設次。或及義烈事。輒爲流涕。平生疾惡如仇。至不忍見。見亦不能容。居鄉閉門。掃軌。非公事。不與聞。傳荒歲。倡議出粟。賑平糶。賴以有沾。甚衆。又爲道瑾給轉。暑月躬至貧乏及疾者家慰之。不以爲憚也。子三。允枚。允札。允桓。皆負才英犖。無忝忠孝家風云。

論曰。論人于死生之際。亦難矣哉。甲申之難。有欲

死而卽死者。范文正數先生名垂日月。節
炳丹青。允矣。至已死而不死者。方太史密之。韓公
諫孝升。呂中翰霖。生楊修。撰靜山熊文選。雪堂陳
編脩。百史之數公者。君子猶當諒其志焉。若夫遇
死而竟死。後先無間。忠孝同揆者。惟庶常公一人
而已。假令庶常不死。則忠節精靈。騎箕乘尾。往來
于寬旌靈葆。閒者庶常不得追隨其間。其負家乘
而辱清流者。何可道也。乃好事者。猶以後死爲口
實。嗚呼。文學自官。兩坊之誦庶常曰。結遺愛。保靈

在報讎。隱忍圖存。其真皇嗣。至必死而未死。可憐而不歸。入臣處此。亦極難耳。幸以重報。勿克感憤。自經。雖不成程嬰存趙之功。庶無秦妻維復漢之節。其言切而痛矣。余故特表之。爲能死者勸。而并。以見吳兒好紙舌。初嘗顧不顧人禍。失刑之隨其。復也。

忠逆史云。學謙忠臣。魏大中。中其兄學謙事父子。獄中。負屍以出。有孝名。早卒。學謙初聞賊急。有老僕經事大中。勸主人盡忠。勿負先老爺一生名節。

學廉卽遣僕歸遂投欵

人傳學廉降賊其母云子必死難姑待之

嘉興公討檄云。僞官魏學廉破犁狂犢。食母逆梟。蟻肝小技。緊籍名流。牛耳要盟。廣招醜類。當逆闖上犯都城。痛先帝身殉社稷。閣部如范倪施李等。絕脰烈于杲真。詞林若劉馬周汪等。湛族嫔乎張許。而學廉見六官之濺血。逞快雲霓。聽百辟之哀號。忻當鼓吹。趨踰于晉賊韓霖之圍。鳴吠于僞相金星之階。與吳爾壩等衆議。敢言一統無疑。偕陳名夏等。授官私喜。獨庸優擢。疏銜爲闕。父避諱。拜爵頌天命。攸歸。持欵

授戶正名刺。通誦狐羣。比各門保識錢糧。効忠孽幕。
于逆關。定君臣之分。于嶙然聯堂。屬之交。合周鍾朱。
積之輩。慶復社之同心。對之祖。企郊之儔。羨高官之。
捷足。刊修儀牘。抵掌而馳說。弄筆草定詔書。攘臂而。
斥言杞宋。心慚父紱。緋衣不覺朝裾。魂繞賊廷。帶王。
于焉夢錫。改名擬于子駿。圖貴迫於王皮。罪深長腳。
逆甚山頭。彼王敦之與茂宏。尚云羣從。若朱浚之邇。
元晦。亦第孫枝。胡遺愛復出房喬。乃士雅竟逢祖約。
慨姬旦之不作。鮮畔誰誅。使石厚之就刑。碣圖莫遂。

然而三綱未滅。六等猶存。張得一之降王。則首授西
曹。達奚珣之事羯胡。腰分東市。今亂臣賊子。合爲一
人。卽昇虎投豺。難舒衆怒。所應牛五裂尸。寧止鼠十
同穴。然或譖蘭金。或禘嫺姬。或畏其負衆而不僵。或
慮其黨繁而復逞。緣情面之顧惜。甘狡窟之包藏。中
興伊始。法令維嚴。雖吳玠保川。不以曠誅。道坐而李
陵降虜。須知遷腐。無逃先鳴。義鼓肅聽王章。

稱人可過也。毀人不可過。此等文字。後生家不看
也。罷然于錄之者。不取其尖利。取其胸中有少許。

古書耳所惜者止欲自處其鮮鋒全不顧他人之
死活也善讀者知之。

吳爾壘

吳爾壘浙江嘉興崇德人崇禎癸未庶吉士改四川
保甯府蒼溪縣僞令

王自超

王自超浙江紹興會稽人崇禎癸未庶吉士以年老
不更事不用自超行賄還司楊枝起乃許補

附記

聞自超降賊後祝髮某地人之夜歸妻爲祝

孝廉女。聞叩門。問何人。自超曰。子也。妻曰。汝是何人。自超曰。豈我音而不辨乎。妻曰。固也。第汝受朝廷厚恩。而不思報反降賊子。大誤矣。既已祝髮。亦休矣。今猶趨歸。又誤也。歸而叩子戶。更悞矣。汝不過思兩子耳。汝急去。勿相見也。竟不啟納。自超慚而去。祝氏嚴督其子。讀書悉能文。不令赴試。祝亦奇女子也。聞自超年頗少。前載年老誤也。且聞少不更事。未聞老不更事也。其爲書誤可知。顧事實闕疑。不敢擅易一字耳。

姚文然

姚文然南直安慶桐城人。崇禎癸未進士。以貌不揚。改授密雲縣僞令。

劉肇國

劉肇國江西吉安安福人。崇禎癸未庶吉士。傳學焉。

傅學焉。湖廣黃州麻城人。崇禎癸未庶吉士。

高珩

高珩山東青州樂陰人。崇禎癸未庶吉士。

何允光

何允光。河南開封杞縣人。崇禎癸未庶吉士。

張立錫

張立錫。北直保定清苑人。崇禎癸未庶吉士。

日允謙

白允謙。山西汾州陽城人。崇禎癸未庶吉士。

黃燦

黃燦。湖廣荊州夷陵人。崇禎癸未庶吉士。

劉廷琮

劉廷琮廣東番禺人崇禎癸未庶吉士

呂崇烈

呂崇烈山西平陽安邑人崇禎癸未庶吉士

何九雲

何九雲福建晉江人崇禎癸未庶吉士以年老不用
幸哉人固不可無年

張端

張端山東萊州掖縣人崇禎癸未庶吉士
之子也豈以父受別學而體求竟平諸記云親見門

粘欽授簡討國難記云縣令族

楊明琅

楊明琅福建泉州晉江人。崇禎癸未庶吉士。

龔鼎雲

龔鼎雲南永昌保山人。崇禎癸未庶吉士。

史垂譽

史垂譽江南南昌豐城人。崇禎癸未庶吉士。

羅憲汝

羅憲汝江西南昌府南昌縣人。崇禎癸未庶吉士。

張家玉

張家玉。廣東廣州府東莞縣人。崇禎癸未庶吉士。三
上書于賊。責以大義。請賓而不臣。見賊長揖。賊怒縛
柱上。欲剗之。顏色不變。異而釋之。愈欲其降。不可。遣
人往拘其父母。乃降。授原官。就其抗顏賊廷。覩死不
傷。卽古之烈士。何以加焉。雖爲親改節。以方徐庶。非
其例矣。甲乙史云。四月初五庶吉士張家玉上書於
自成。請表章范景文。周鳳翔等。隆禮劉宗周。黃道周。
等。尊聲史。可程。魏學濂等。賊怒縛于柱。家玉請死。

不許凡三日賊喝欲磔之後不動賊云當磔其父母
乃跪求免仍爲庶吉士。玉廣東人父母在籍未嘗到
京抗怯倏忽殊自無謂。

張家玉陳情書

附記

前明朝翰林院官謹百拜稱賀大順皇帝陛下陳情
左右。君王旣定鼎于天下必以尊賢敬德爲基。是故
不沒人之忠者。所以有忠臣。不沒人之孝者。所以有
孝子。家玉得君未及一年有親戚四老。此下文氣不
肅似失一葉君王處此徑當賓禮之而不臣且比例子晉處士陶

旌別其門日明翰林庶吉士張先生之廬庶不傷人
臣子之心不辜爾蒼生之望不然雖以刀鋸設以鼎
俎家玉者形影相笑從容而樂蹈之耿耿此心誓無
後悔

張家玉薦人才書

附記

前明朝翰林院官謹百拜陳情于大順皇帝陛下忠
臣義士于明爲多勸義獎忠于順爲盛是故如范景
文周鳳翔等當亟爲明卹贈之而匪但爲明卹贈之
劉宗周黃道同等當急爲明隆禮之而匪但爲明隆

禮之又如史可程魏學濂當亟爲明尊養之而非但爲明尊養之何則明孝著而順人知有父也明忠著而順人知有君也。至若家玉殷人從周願學孔子但區區賓禮而乞繫之以明者蓋不特見君王之高義實我欲遂君王之大不甯也當此多方多士尙在危疑驚喜之時莫若將家玉旌而別之刻其書以布之四方得一仁人以收拾天下人心勝精兵十萬可知也如其不允所請家玉決不墮泥塗爲班皁羞歸鄉里爲父母慘誓殺身爲牲少備天子大享上帝乃銘

鼎俎諒非負氣守節者所隱忍而規避也榮辱惟命
生死亦惟命。家玉後為忠臣上此書蓋借以述也

癸未館選三十六人。列在刑辱者止萬發祥一人

張國泰

張國泰。北直保定新城人。崇禎癸酉舉人。官待詔

高萊鳳

高萊鳳。陝西韓城人。崇禎丙子舉人。官待詔。

吏部

沈自彰

沈自彰順天籍應天上元人萬歷二十九年辛丑進
士官太常少卿兼文選司郎中事國難錄注夾二夾
留用

郭萬象

郭萬象。陝西西安高陵人。崇禎甲戌進士官文選司
郎中爲吏政府考功郎國難暗記云親見粘貼欽授
職銜主門

劉廷諫

劉廷諫順天籍浙江人。萬歷己未進士官考功司郎

中改僞府尹

侯佐

侯佐山西解州人崇禎甲戌進士官驗封司員外僞
吏政府稽勲郎

左懋泰

左懋泰字韋諸山東登州萊陽人崇禎甲戌進士官
稽勲司郎中僞兵政府侍郎鎮守山海關

熊文舉

熊文舉。號雪堂。江西南昌人。崇禎辛未進士官稽勲

司郎中僉吏政府驗封郎國難暗記云親見門粘

王顯

王顯北直廣平曲周人。崇禎丁丑進士官主事

別單聞有孫節雲南籍武進人子舉人官司務

戶部

王鰲永

王鰲永山東濟南濰州人天啟乙丑進士官右侍郎
督理錢法夾二夾留月

黨崇雅

黨崇雅。陝西寶雞人。天啟乙丑進士。官右侍郎。督運西路。賄復原官。大張告示。諭抑運漕白糧等官。候新主遣官察盤銷算。擅離提究等因。

孫襄

孫襄。南直寧國宣城人。崇禎甲戌進士。官郎中。注偽戶政府屬。

陳屺誦

陳屺誦。山東濟寧人。崇禎丁丑進士。官郎中。注偽戶

徐有聲

徐有聲太醫院籍崇禎庚辰特用官郎中注僞戶政府屬

李甲

李甲北直順德南和人天啟甲子舉人官員外注僞戶政府屬

姬琨

姬琨陝西西安華州人官生官員外注僞戶政府屬

賀久邵

賀久邵湖廣長沙湘鄉人萬歷四十六年戊午舉人
官主事僞戶政府從事

陳聯璧

陳聯璧湖廣襄陽光化人官生官主事僞戶政府從
事

介松年

介松年山西平陽解州人崇禎辛未進士官主事原
官階記云親見明貼甲乙史云三月廿一戶侍郎黨
崇雅給事介松年御史柳寅東各方中色衣自西長

騎馬入內。整黨在通州時降介在保定時迎降

別單開有吳。虢。福建莆田人。崇禎庚辰特用官
郎中。

傅。薦。祥。河南汝寧汝陽人。官生。官主事。

南。廷。鑄。陝西西安渭南人。官生。官郎中。

鄭。爾。圻。北直保定安肅人。官生。官郎中。

王。鳳。林。山西平陽芮城人。官生。官員外。

李。鍾。秀。山西平陽蒲州人。天啟丁卯舉人。官

中。

王高才陝西西安三原人天啟甲子舉人官員外。

胡之彬河南汝甯光州人崇禎甲戌進士官主事。

禮部

分原

分原四川夔州梁山人崇禎辛未進士官郎中。後僞政府屬。

吳泰來

吳泰來江西瑞州新昌人。崇禎辛未進士。官員外僞禮政府從事。此吳甘來同胞也。

一本所生。賢不肖何相去之遠也。爾所一家導敦同國涇渭之分。自古爲然矣。

余忠寢

全本方江西南康都昌人。崇禎丁丑進士。官員外

金有慶

金有慶不直。長洲人。崇禎丁丑進士。官員外僞

成都安縣令

張琦南

張琦南直隸錫人崇禎甲戌進士官主事。僞四月糧
漕縣令出都不一日遇一馬奪印去索千金爲贖叩
首乞憐賊磨印角却是銅擲還之。

附記

張琦甲戌項煜所取士也。爲主事積金四千
兩申申其戚陳曰賊一急須藏金琦井以無已而
城破俱去夫中賊入京凡衙門諸井悉淘汲靡遺
時琦唐中道袍道履坐馬坊草堂擊鯨誦金剛經

所攜一僕一婦一婢年十三四俱匿而後賊至人
道人誦經輒去迨後婢婦登後屋中望賊遙見詰
琦曰汝是官兒非道人也豈有出家人而藏婦人
者乎遂索草中得紅袍銀帶及銀五百兩併婦婢
挈去琦乃免未之降賊也此琦之歌童顧元在京
親見述此趙玉森家居學前有翰林匾諸生擊碎
之趙閉戶諸生乃去復至琦家時琦尙未南歸伊
郎子寅服麻衣迎諸生曰吾父已死矣衆以千年
六十餘信之乃散及十二月琦歸予曰何以歸

追明年乙酉南都有議

大清至乃免。

高去奢

高去奢北直真定甯晉人。崇禎丁丑進士官主事。

葉澍

葉澍廣西籍江西南昌縣人。天啟丁卯舉人官司務僞吏政府司務。

別單開有黃熙允。福建泉州永江人。崇禎辛未進
大去六中。

吳之琦。福建晉江人。崇禎丁丑進士。官主事。

兵部

張縉彥

張縉彥字坦公。河南衛輝新鄉人。崇禎辛未進士官
尚書。三月十九庚戌時。同大監曹化淳。開齊化東便二
門納賊。以入朝。爲太監王德化所擊。鬚盡拔。賊亦鄂
之。竟戮之。一云南歸爲實。

大事紀云。廿一日內監王德化出朝。見兵部尚書張
縉彥。青衣待罪于皇極殿前。叱曰。汝輩誤國至此。今

不急殞先帝乃復推戴新主耶縉彥曰此與我無干
自有主之者。縉極呼從者連擦其頰縉彥掩面
垂涕。

附記
張一方蔡元吉

張一方大同人善騎射親瘡而勇望若飢鷹少從
曹文詔勦賊所在有功曹設從穰鎮陳永福守汴
城迄金陳隆賊一方從之及賊破京師分營薊邊
陶乃逸去時張縉彥朝房自縊死復甦自成使牛
金星說降不從備極榜掠乃命一賊曳之西行遇

一方千龍泉閣遂與脫身至太原會賊將大索縉
彥一方與蔡元吉乃投偽將永福差往河南永福
疑之留驛符不發及縉彥計脫奔豐峪山著黃冠
走盤駝地皆土黔炙人肝而食賊追捕甚急忽一
方與元吉俱至遂脫于難已而賊捕縉彥于新鄉
一方元吉潛衛左右八月初五日摘府縣各偽長
與縉彥人行山之吉崗歸者萬人。有偽都尉黃來
嬰互戰不勝一方乃潛伏林中射殺其長賊乃遁
去時一方年三十八從縉彥南下至睢陽乃賊事

開授副總兵駐兵臨陽。疽發而死。緝彥方於臨陽城中。

其元吉懷慶人。始祖從高帝戰有功。授懷慶衛指揮使。元吉薄武官。不爲入弟子員。與張一方善。賊掠河北。陳永福降。元吉隨永福自匿。至燕而度紫荊。龍泉經太原。皆與一方。其之張綱彥引而南。疏其事。授監紀推官。

石雨人本不列中。從逆于之附之者。見緝彥未嘗爲賊戮耳。

耿章官

耿章官。山東東昌館陶人。崇禎丁丑進士。官員外。注
兵政府屬。

朱國書

朱國書。順天籍南直人。崇禎辛未進士。官員外。注兵
政屬。

方允昌

方允昌。浙江紹興諸暨人。崇禎甲戌進士。官主事。僞
兵部員外。督漕江南。乘方舫至宿遷。

別單開有鄒魁明江西南昌人天啟丁卯舉人官

員外。

趙開心湖廣長沙人崇禎甲戌進士官員外。

黃紀四川瀘州人天啟甲子舉人官主事。

修廷獻山東兗州府兗甯州人崇禎丁丑進士。

官主事

張慎學山東夏縣人崇禎丁丑進士官主事。

劉養貞四川邛州大邑縣人崇禎辛未進士官

主事三月廿一于皇極殿前觸頭瘡哭請誅誤

國奸臣。張縉彥。魏藻德。陳寅。賊云。先朝時何不
早言立斥之。後不知下落。

刑部

張燐然

張燐然。號松瞻。浙江湖州烏程人。崇禎庚辰進士。官
郎中。僞戶政府少堂。

朱受佑

朱受佑。南直鳳陽懷遠人。官生官郎中。

黃昌允

黃昌允。湖廣常德沅江人。崇禎丁丑進士官主事。

劉慶蕃

劉慶蕃。北直滄州人。崇禎戊辰進士官主事。

吳文燦

吳文燦。浙江蕭南直徽州休甯人。崇禎庚辰特用官主事。

別具開有歸趙。甯直情熟人。崇禎癸未進士新選主事。按起先已丁外艱。阻兵未歸。遂有謂其受職僞防。禦或傳者。再核。

工部

穆沅

穆沅字湘芷浙江錢塘人。崇禎丁丑進士官主事。爲國子監助教。

別單開有何復山東萊州府平度州人。崇禎甲戌進士官主事。

趙之璽山西太原舉人。天啟甲子舉人。官主事。

六科給事

劉昌

劉昌河南開封祥符人天啟乙丑進士官戶科左給事中。僞太常寺卿昌與僞相牛金星同鄉最用事百官錯刺俱借薦

申芝芳

申芝芳南直嘉善人崇禎辛未進士官禮科僞諫議初與行取推官吳道聯姻及從賊遂絕其婚

戴明說

戴明說北直河間滄州人崇禎甲戌進士官吏科僞

諫議方與李襄城拊搦守城。明說乃特疏糾之。疑先有外心矣。

時敏

時敏字子求。號修來。南直常熟人。崇禎丁丑進士。官兵科。江西督漕。僞四川宜賓縣令。或云錦州牧。非也。賊當城破時。客問作何計較。敏徐曰。天下將一統矣。赴選時。適吏部門閉。叩門大呼曰。我兵科時敏也。既授僞選。出都聞賊敗。遁歸故里。其家已爲里中兒借名焚掠。波及族黨。敏歸公然張蓋。訟之有司。白稟本

科儀。眼間里。知。南。都。想。通。其。精。求。道。遠。去。
一云。士民焚掠。散。若。卡。代。四。稍。俱。難。敗。
被。從。逆。來。歸。盤。開。世。大。難。山。

龔鼎孳

龔鼎孳。南直合肥。清江浦人。崇禎甲戌。進
士。官兵科。僞直。指。便。每。謂。人。曰。我。願。欲。死。奈。小。妾。不
肯。何。小。妾。者。所。娶。秦。淮。婦。也。湖。廣。按。臣。黃。衝。有
疏。

傅振鐸

傅振鐸。江西撫州金谿人。崇禎丁丑進士。官兵科。僞縣令。

孫承澤

孫承澤。順天籍。山東青州益都人。官刑科都給事。爲防禦使。

光時亨

光時亨。南直桐城籍。邢門人。崇禎甲戌進士。官刑科僞諫議。北回日。擊忠逆定案。云闕逆名見。面加獎勵。隨諭以原官視事。時亨寄書其子。有云。諸葛兄弟分。

事三國。伍員父子亦事兩朝。我以受恩大順。汝等可
改姓走肖。仍當勉力讀書。以無負南朝科第。

翁元益

翁元益。南直土海人。崇禎甲戌進士。官刑科。初擬諫。
議夜間被賊兵打面腫。宋企郊嫌其貌醜。改四川縣
令。

郭充

郭充。陝西鞏昌人。崇禎丁丑進士。官刑科。爲政
府屬。

高翔漢

高翔漢陝西鳳翔寶雞人。天啟甲子舉人。官工科右
賊八郎用爲都直指。亦以同鄉有薦也。

御史

柳寅東

柳寅東陝西鞏昌府徽州人。崇禎辛未進士。從天津
入賀。

韓文銓

韓文銓陝西咸寧人。崇禎甲戌進士。官河南道僞諫

議

熊世懿

熊世懿。湖廣麻城人。崇禎辛未進士官河南道。爲廬州府尹。別單開防禦使。誤平日講學。鄉人度其必死。竟不然。

蘇京

蘇京。字培阜。山東安東人。崇禎丁丑進士官江西道。僞防禦使。

淮安府有安東縣。此屬山東。再核。

陳羽白

陳羽白字眉大。福建漳州南靖人。崇禎甲戌進士官廣東道僞直指使。

蔡鵬霄

蔡鵬霄福建晉江人。崇禎戊辰進士官四川道國難錄云。擢京堂。因無缺未授。

裴希度

裴希度字晉卿。山西太原籍。順天遵化人。崇禎甲戌進士官陝西道。授僞宏太館庶吉士。

徐必泓

徐必泓字印每江西南昌人。崇禎辛未進士。官貴州道掌河南道印。僞直指使暗記云。親見粘單。

別單問有徐一掄浙江上虞人。天啟甲子舉人。官

山東道

通政使

趙京子

趙京仕陝西。慎中城團人。天啟壬戌進士。官本司左

宗議原官。

宋學顯

宋學顯南直長洲人。崇禎戊辰進士。官本司右參議。
偽諡馬寺卿。國難錄注原官非也。

大理寺

吳履中

吳履中南直金壇人。天啟乙丑進士。官本寺寺丞。國
難錄云夾一夾。此周鎮鼎出旗鼓授大理寺卿。

錢位坤

錢位坤南直長洲人。崇禎辛未進士。官本寺右寺正。

改爲四子監助教。城未破時。衆以邊才推之。已擬昌
平巡撫矣。好官未做。惡名已蒙。國史錄云。初牛賊不
用。託周鍾質緣。爲吏政府。未赴部時。向人曰。我明日
此時。便非凡人了。京中有不凡人傳。

周蘭

周蘭。河南汝甯縣山人。崇禎庚辰進士。官本寺評事。
僞政府屬。

尙寶司

吳家周

爲兵政司。頗用事。爲吳中通客主人。

許作梅

許作梅。河南新鄉人。崇禎庚辰進士。官行人僉政府屬。

張元輔

張元輔。山西汾州孝義人。崇禎丁丑進士。官行人僉學政。國變錄注星外。

李丕著

李丕著。山西平陽曲沃人。崇禎丁丑進士。授原官。

郝晉

郝晉。山東登州棲霞人。崇禎戊辰進士。官順天府尹。夾二夾留用。

黃國琦

黃國琦。江西瑞州新昌人。山東滋陽知縣。行取在京。注縣令。國難錄注府尹。

侯選癸未進士

胡顯

胡顯。四川井研人。注縣令。

武懷

武懷。陝西西安涇陽人。僞徐淮防禦使。

程玉成

程玉成。四川重慶江津人。僞教職。

王爾祿

王爾祿。北直博苑人。僞教職。

楊儼

楊儼。北直順天人。僞楊州府尹。

吳剛思

吳剛思。南直武進人。僞兵政府從事。

國難錄。尙右張鳴駿。注僞直。揭賀王盛。注僞太僕寺丞。王子瞻。僞鳳陽府尹。鄒魁明。僞淮安府同知。徐蒙麟。僞山東防禦使。王臯。僞四川縣令。

侯恂

侯恂。河南歸德府人。崇禎戊辰進士。官兵部尙書。坐封疆下獄。僞工部大堂。

楊枝起

楊枝起。松江金山衛人。崇禎甲戌進士。官戶科給事。

中坐罪輔周延儒案下獄。僞吏政府從事故事。選司最重。謂之選君。賊企刻專政。但委唱名侍立。竟日不敢參一語。

張若麒

張若麒字天石。山東萊州府膠州人。崇禎辛未進士。以兵部郎中出監軍。督戰失機。下獄。督兵守關。

一時出獄者甚衆。從道當不止此。良不能悉知也。

甲乙史云。三月二十賊盡放。貫城罪囚。張若麒侯恂皆參謀。若麒自領督餉之功。又官天下。侯于崇

人賊皆然之。都司奉命。亦自欲由倭官中國。情
形及江南勢要。自成大賞。從賊入都。諸逆臣附。

牛金星

牛金星河南人。夫殷丁卯舉人。偽天祐閣大學士。

宋企鵠

宋企鵠山西乾州人。崇禎庚辰進士。官吏部。回籍。偽
吏政府大堂。

一陝西西安有乾州。再核。

顧君恩

顧君恩拔貢生。傷吏政府選郎。

楊王休

楊王休。北直河間鹽山人。崇禎庚午舉人。官山西通
關兵備僑戶政府大堂。

蘇京

蘇京。安東人。崇禎丁丑進士。官御史巡按河南。

喻上猷

喻上猷。湖廣籍江西縣人。崇禎辛未進士。官御史。

鞏 靖

鞏靖陝西慶陽真常人。崇禎辛未進士官湖南督學。參政降賊偽禮政府大堂。

傅景星

傅景星字夢禎。崇禎丁丑進士。偽兵政府大堂。河南歸德睢州人。為平陽知府。

黎志強

黎志陞湖廣岳州華容人。崇禎甲戌進士官山西督學。參議偽兵政府少堂。

安興民

安興民天啟丁卯舉人。僞刑政府大堂。

陸之祺

陸之祺。浙江嘉興平湖人。萬曆己未進士官陝西左布政。僞刑政府左堂。

李振聲

李振聲陝西米脂人。崇禎甲戌進士。僞工政府大堂。

王學先

王學先崇禎庚午舉人。僞通政司。

韓霖

韓霖北直永平府舉人。大同陷降，僞參謀。此故長州尹韓原善子也。向以禦敵自負，今乃爲賊用耳。

王則堯

王則堯山西翼城人。崇禎庚辰進士，官山東布政司參政，僞順天府尹。

魏天賞

魏天賞僞淮楊運使。

王華

王華。

爲興文館學士

王孫蕙

王孫蕙字晦季。南直無錫人。崇禎甲戌進士。欽補大名府滏縣知縣。僞長蘆運使。長洲陳濟生于四月十八。在河西移過。見其舡與新遷僞淮楊運使。魏天質同行。聲勢甚壯。

孫以敬

孫以敬。南直太倉人。崇禎丁丑進士。官長垣縣知縣。集友人寓所有同年亦與席。或言城被尙不信。見街

市狂奔狀友人倉惶辭去孫了無驚色徐步歸寓則
賊將已拘家奴矣問主人何在不肯言竟斃杖下以
敬竟投單爲僞刑政府從事貢此僕矣以敬美丰儀
善與人交友人多親愛之本州有請爲討檄真有應
之者

顧芬

顧芬甫直無錫人崇禎丁丑進士官河間府推官僞
四川成都府同知

周壽明

周壽明。湖廣蕲水人。崇禎丁丑進士。官北直曲周縣知縣。僞楊州防禦使。

吳 達

吳達。南直無錫人。崇禎庚午舉人。官北直邯鄲縣知縣。僞四川巴縣令。

董 復

董復。南直武進人。崇禎癸未副榜。官北直保定府推官。僞北直真定州牧。

康熙十年辛亥四月初五。甲午。中央館字書于杜埜。

之王館

宋獻業 補遺

獻策通天文。善占驗。有官犯涇陽。殺方伯。示無不就。獲有識之者。數年前曾在梅仙門外起數。或以爲賊。聞也。天下呼爲朱矮子。

孔孟討賊文

君臣之義。察乎天地。少之時。誦其詩。讀其書。將爲君子焉。及其壯也。仕則慕君。行乎富貴。尊其位。重其祿。君之視臣。如手足。如彼其專也。天作孽。賊民興。二人

橫行于天下從之者如歸市殺人盈野殺人盈城个
也不幸至于大故弑其君者自成也有大人者相向
而哭北面稱首再拜見危授命守死善道豈不誠大
丈夫哉有賤丈夫焉好貨財私妻子則疾視其長上
之死而不救不保社稷不保宗廟或告之曰是誰之
過與則曰非我也兵也君無尤焉殘賊之人迎之致
敬以有禮朝將視朝端章甫衣夾錦蚤起而往拜之
將入門戰戰兢兢有所恐懼入門則不知足之陷之
手之舞之尊爲天子之小大由之立于諸人之朝

樂莫大焉。出諸人曰。二三子何患乎。無君事是君。則
爲容悅者也。見牛事之以皮幣。事之以珠玉。爲其爲
相與。過宋則往拜其門。脅肩諂笑。無所不至。繼而有
師命。爰整其旅。環而攻之。賊仁者棄甲曳兵而走。百
官有司。如窮人無所歸。竊負而逃。茫茫然歸。驕其妻
妾。無所用恥焉。墮臣不臣。謂之賊。屢憎于人。親戚叛
之。鄉人皆惡之。獲罪于天。死之日。狐狸食之。蟪蛄始
噉之。然後快于心。與遊諸四夷。不亦宜乎。君子曰。薄
乎云爾。乃若其情斷斷兮。罪不容于死。

甲申之變降臣頗多吾邑好事者撮四書成語以嘲之亦見文思巧妙故附錄焉

明季北畧卷之二十二終

明季北畧卷之二十二